



Claudii Fleurii Abbatis Historia Ecclesiastica

Ab anno Christi 1494 usque ad annum 1507

Fleury, Claude

August. Vind. [u.a.], 1769

VD18 90118448

§. 88. Ferdinandus suis studiis Galliarum Regem jungere intentus.

[urn:nbn:de:hbz:466:1-67025](#)

§. LXXXVIII.

Sæcul. XVI.

A.C. 1505.

Ferdinandus suis studiis Galliarum Regem jungere intentus.

Ferdinandus inter tot arcta prehensus, *Marian. ib.*
non solum Castellam, sed etiam Gra-^{n.} 72.
natæ Regnum Castellano adjunctum,
necnon Neapolis coronam amittere ve-
rebatur, haud ignarus, quod Archi-
dux rebus suis adversa foveret consilia,
quapropter Galliarum Regem sibi devin-
cire conatur; ut vero animi sui proposi-
tum cautius tegeret, alterius negotii ob-
tentu Joannem de Enguerra Ordinis Ci-
sterciensis Monachum, ac in Catalonia
hæreticæ pravitatis Inquisitorem in Fran-
ciam Legatum decrevit, eumque Regiis
mandati literis instruxit; cum enim Ger-
manam de Fuxo in sponsam sibi tradi jam
nuper a Ludovico XII. efflagitasset, re-
petitis precibus huic Principissæ amplissi-
mas quasque conditiones offerri manda-
vit, inter cetera pollicitus, se liberis,
quos Germana susceptura esset, Neapo-
litani Regni coronam asserturum. Pla-
cuit Ludovico Ferdinandi promissum,
unde nuptiis ejus consensu firmatis vicis-
sim spopondit, se omnibus suis in Nea-
polis Regnum juribus cessurum in Ger-
manam Neptem suam sibi in paucis ca-
ram, omnesque ejus posteros, sive ma-
res, sive foeminas.

§. LXXXIX.